



Broj: 02-14-1894/22-5
Dana, 08.07.2022.godine

Na osnovu člana člana 12. Privremene Statutarne Odluke Grada Zavidovići („Službeni glasnik općine Zavidovići“, broj: 4/2022), člana 39. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019) i člana 6. Kriterija za utvrđivanje raspodjele sredstava na Transferu za kulturne djelatnosti, manifestacije bratimljenja i ostale manifestacije u Budžetu Grada Zavidovići u 2022.godini, broj: 02-14-1894/22-3 od 08.07.2022.godine, Gradonačelnik Zavidovići raspisuje:

JAVNI POZIV

za dostavljanje projekata koji će se finansirati iz sredstava sa Tekućeg transfera za kulturne djelatnosti, manifestacije bratimljenja i ostale manifestacije u Budžetu Grada Zavidovići za 2022.godinu

I

Pravo učešća u Javnom pozivu za raspodjele sredstava na Transferu za kulturne djelatnosti, manifestacije bratimljenja i ostale manifestacije u 2022. godini imaju udruženja, kulturno-umjetnička društva, javne ustanove i različite institucije iz oblasti kulture, koji su registrovani i imaju sjedište na području grada Zavidovići.

II

Sredstva planirana na Tekućem transferu za kulturne djelatnosti, manifestacije bratimljenja i ostale manifestacije bit će korištena za sufinansiranje projekata kulturnih djelatnosti i manifestacija kao što su kulturne manifestacije dužeg trajanja gradskog i višeg ranga, predstavljanje Grada i BiH na gostovanjima, manifestacije upoznavanja različitih kultura sa ciljem razvijanja prijateljstva, poštovanja i tolerancije između različitih kultura, izložbe, književno, likovno i muzičko stvaralaštvo, unaprjeđivanje muzičke kulture, zaštita kulturne baštine, razvoj zavičajne zbirke i muzejska djelatnost, te druge sadržaje od značaja za razvoj kulture na području grada u skladu sa potrebama značajnog broja stanovnika, tradicijom i interesima lokalne zajednice.

III

Projekti sa kojima će navedeni subjekti aplicirati po ovom Javnom pozivu, trebaju biti dostavljeni na aplikacionim obrascima pripremljenim za ovu namjenu a mogu se preuzeti na Info centru Grada ili web adresi: www.zavidovici.ba.

Ukoliko su subjekti iz tačke I Javnog poziva bili korisnici gradskih budžetskih sredstava za oblast kulture i kulturnih manifestacija u 2021. godini, obavezni su priložiti izvještaj o namjenskom utrošku sredstava ako to nisu ranije učinili.

Za udruženja, javne ustanove ili druge institucije koje imaju pravo apliciranja na raspisani javni poziv projekti moraju biti potpisani od strane odgovorne osobe i sa pečatom organizacije.

Uz projekat se dostavljaju: Izvod/Izvadak iz Registra udruženja Ministarstva za pravosuđe i upravu ZE-DO kantona ili drugih nadležnih organa u BiH, koji nije stariji od godinu dana, te ovjerene kopije: Uvjerenja o poreskoj registraciji (identifikacioni broj), Ugovora s bankom o otvaranju transakcijskog računa i Bilansa stanja i Bilans uspjeha na dan 31.12.2021.godine

IV

Javni poziv ostaje otvoren 20 dana od dana objavljivanja na Oglasnoj ploči Grada, odnosno do utroška sredstava a najkasnije do 31.12.2021.godine, ukoliko nakon izvršene raspodjele po prijavljenim projektima preostane planiranih sredstava.

V

Prijave po Javnom pozivu dostavljati na adresu: Grad Zavidovići, Služba za upravu društvenih djelatnosti, pitanja boraca i opću upravu, Ulica Safvet-bega Bašagića Zavidovići, putem Pisarnice Grada ili poštom.

GRADONAČELNIK
doc. dr. Hašim Mujanović

Dostavljeno:

1. Oglasna tabla,
2. WEB stranica Grada Zavidovići;
3. U spis.